

Տոնը նախապատրաստվում էր մի շաբաթվա պատու և սկսվում էր կիրակնամուտին, սակայն իսկական տոնական խրախճանքը տեղի էր ունենում կես գիշերից հետո, մեծ մասամբ լուսաբացից առաջ: Ամեն տան մեջ անպատճառ պիտի եփվեր մսով կերակուր-կերնախաշ, կրնախաշ կամ կուրկուտավ ճաշ¹¹: Պարսկաստանից գաղթած գյուղերի համայնքներում՝ սովորաբար հարիսա: Այսպիսով, այս ծիսական կերակուրների մեջ բեղմնավորվելու ընդունակ հատիկը մեռցվում էր և ուտվում: Դա կարծես մի բոլորովին ջնջված աղոտ հիշողություն էր Ատախի ինֆնաթլատման, ներֆինացման, որ ըստ առասպելի տեղի էր ունեցել Պեսինունտի թագավորի մոտ կատարված հարսանիքին, երբ Խօ-ի հետ պսակվող Ատախին երևում է հանկարծ Կիբէլան և նրա սիրով տարված Ատախը խելացնոր իր առնանդամը կտրում է և դեն շարտում, ինքն էլ մեռնում է: Այդպիսի ըմբռնումների հետքեր կարելի է նշմարել Չանգեզուրում նավասարդի օրն այն սովորության մեջ, որ այստեղ աշխատում էին դեռ լույսը չբացված այցելել այն տները, որտեղ այդ տարին ննջեցյալ է եղել: Բարեկամները նվերներ բերելով հավաքվում էին այդպիսի տները և ննջեցյալների տերերի հետ վօղորմաթա խմում:

Առավոտը վաղ տնեցտուն իրար լուխ էին ուղարկում—մէժմահու վրա չուտա—չուտա¹², խօշկարան, միրգ, եփած հավ, կորկոտ գեղեցիկ շաբած և մեջտեղն ու ափերին մոմեր վառած: Այդ ամենը հետո միասին էին վայելում: Հատուկ լուխ էր պատրաստվում քավօրի համար այն տանը, որտեղ այդ տարին ա երեխա էր խտտել: Քավօրն էլ մէժմահին վերադարձնում էր որևէ նվերի՝ խալաթի հետ—յալլուխ, Շամախու շալ, կնիլա և այլն: Քավօրն իրանից իսնչա էր ուղարկում իր այդ տարվա ամուսնացրած նորապսակներին: Խօնչա բերողը ստանում էր նվեր: Այս սովորությունների մեջ քավօրը հանդես էր գալիս որպես ամուսնական կապեր հաստատող և մանկածնությունը խրախուսող մագիկ ուժ ունեցող անձնավորություն:

Այդ օրը տան մեծերը շնորհավորում են նաև ֆօլվային մի-մի խնձոր¹³ մեջը մանր սպիտակ դրամ խրած, մի շիշ օղի և այլ նվերներ նվիրաբերելով: Մեկիքների օրով այդպիսի նվերներով ներկայանում էին նույնպես մեկիքին և նրա ձեռքը համբուրելով շնորհավորում նոր տարին: Նա էլ մի եզ էր մորթել տալիս և բոլորին հյուրասիրում¹⁴: Ամեն մի տան դրսում, բարձր տեղից կախում էին կարմիր կտոր. այս բանը հիշողություն էր առասպելի այն մանրամասնության, իբր թե Կիբէլան տեղափոխելով իր սիրուց անձնասպան եղած Ատախին իր քարայրը՝ շուրջը կախել էր նրա վերքերի վրայից հանած և արյունից կարմրած կտորները:

Թե՛ հասակավորները և թե՛ մանավանդ երիտասարդներն ու երեխաները այդ օրը անպատճառ հագնում էին նոր շորեր: Նույնիսկ անասուններին աշխատում էին նոր տարին ուրախ հանդիպել տալ՝ գոմերը լավ մաքրում էին և գարի ցանում հարգի վրա, իսկ պոչերին կարմիր ժապավեն՝ թել էին կապում: Այս ամենով ուրախ սկզբնավորության մագիկ զորություն մաք էր բերվում

¹¹ Տորները թակում են սանդի մեջ, տաք ջրով լվանում, կաթսայի մեջ մեկ շերտ կուրկուտ, մեկ շերտ մատղաշ միս՝ ոչխարի, այծի կամ խոզի դարսում, խուփը լավ ծածկում և թօլեթի մեջ կրակի վրա մինչև առավոտ պահում: Չպիտի խառնելին. շերտի չպիտի կպչեր, երևի նրա համար, որպեսզի տարին էլ խառնաշփոթ չանցնի:

¹² Չանապան:

¹³ Բեղմնավորության նշան:

¹⁴ Լալայեան Ե., Սիսիան, էջ 159: